

Sudska odluka nije provediva

Medicinski fakultet neće Mašića vratiti na posao

Lagumdžija imenovan u skladu sa zakonom

Medicinski fakultet Univerziteta u Sarajevu uložit će žalbu na rješenje kojim mu je naloženo da na posao vrati profesora Izeta Mašića, jer ono nije provedivo, saopćeno nam je jučer iz ove institucije.

Navedeno je da Mašić, koji je predavao medicinsku informatiku, uopće nije otpušten s ovog fakulteta, već je odbio potpisati ugovor o radu kojim se raspoređuje na poslove nastavnika na predmetu Porodična medicina, čime mu je, po sili zakona, prestao radni odnos.

Kada je riječ o Mašićevim tvrdnjama da je otjeran iz ove ustanove zato što je ukazivao na kriminal, s fakulteta odgovaraju da je „interesantno da samo profesor Izet Mašić vidi kriminal na fakultetu, pored Upravnog odbora te ostalih 301 nastavnika, saradnika i ostalih uposlenika“.

Što se tiče angažmana profesora Zlatka Lagumdžije na predmetu Medicinska informatika, s Medicinskog fakulteta pojašnjavaju da „Ekonomski fakultet nije nikoga ovlastio da bude predmetni nastavnik na Medi-



Mašić: Odbio potpisati ugovor

cinskom fakultetu“.

- Profesor Zlatko Lagumdžija, u postupku predviđenom Zakonom o visokom obrazovanju KS, od Nastavno-naučnog vijeća Medicinskog fakulteta, uz prethodnu saglasnost Senata Univerziteta, imenovan je odgovornim nastavnikom na predmetu koji se nalazi u nastavnom planu studija medicine za predbolonjske generacije - ističe se u reakciji iz ove ustanove. **G. M.**